

## ԿԱՍԵԹ ԵՒ ԾԻՐԱԿ

Ե. ՂԱԶԱՐԵԱՆՅԻ

Սղեախի գարունը մի չքեղ տեսարան է ներկայացնում. ամբողջ քաղաքը ծածկւած է կանաչով, ամբողջ քաղաքը խեղդւում, կորչում է կանաչի մէջ: Որ կողմ նայես՝ տերեախիտ ծառեր, թուփեր, խոտեր և ծաղիկներ... որ կողմ նայես՝ կենդանութիւն, — դալար, երիտասարդ, ծաղկող ու բացւող բնութիւն: Կանաչագարդ բլուրները և դրախտանման ձորակները՝ իրանց խալտաբղէտ կանաչ և ճոխ զգեստով, — գրաւում, կախարդում են մարդու աչքը: Նորեկ թռչունների ներդաշնակ մեղեդիները և սոխակի անուշ գեղգեղումները փալփալում, գգւում են լսողութիւնը: Սղեախի բնութիւնը վրաստանի ամենաճոխ դարդարանքներից մէկ է: Ամբողջ քաղաքը շինւած է բլուրների, բարձրավանդակների վրայ, որոնք տեղ-տեղ միմեանցից բաժանւում են խոր և նեղ ձորակներով: Վաղաքի արևելեան և հիւսիսային կողմից երևում է մի հաղազիւա, վիթխարի տեսարան — Ալազանի հովիտը: Ընդարձակ և կանաչ մակերևութով ծածկւած մի ծովի նմանութիւն ունի այդ հովիտը Սղեախի բարձրութիւնից: Այդ ցամաքային «ծովի» վրայ՝ հեռուից երևում են խուփ-խուփ անառաւներ, մշակւած արտեր և մարգագետիններ: Ալազան դետը, արծաթագոյն ժապաւէնի նման, հիւսիսից դէպի հարաւ՝ կտրում-անցնում է այդ հովտի մակերևութը: Գետի ալն կողմը, դէպի արևելա-հիւսիս՝ տարածւում են աւելի խիտ, միացած, թաւ անտառներ, խիկ անտառների հտեից, մութ-կապտագոյն անփիթէատրով՝ բարձրանում են ձիւնապատ լեռնաշղթաներ: Նուրբ գեղարւեստական գրիչ է հարկաւոր, որ կարողանալ արտապատել ալն լուռաւոր, վեհապանծ տպաւորութիւնը, որ մարդ ստանում է Ալազանի հովտին նայելուց... Մանաւանդ այդ տեսարանը հրաշալի է պարզ երեկոե-րին, Սղեախի գերեզմանոցի բարձրութիւնից: Մարդ ամբողջովին կլանւում, գնում, խորասուզւում է բնութեան մէջ: Առաջնում բացւած ընդարձակ, հեռու, լաճածաւալ հովիտը, որի աննկարագրելի մաքրութիւնը, երկնքի կամարաձև, իստակ և հոգակապ վրանը, որ հեռու հորիզոնի մօտ

միանում է ընձնաշղթաների հետ,—այդ բոլորը դիտողի մէջ վարթեցնում է մի աչնպիսի փառաւոր, պաշտաւ և աշխոյժ տրամադրութիւն, մի աչնպիսի բարձր, սրբազան զգացմունք, որ մարդ կամենում է սաւառնել ամբողջ հոգով այդ բնութեան մէջ. մարդու հոգին աչքքան բարձրանում, վեմանում է, որ ուզում է իւր մէջ. ամփոփել ամբողջ աշխարհը, ուզում է անվերջ ապրել, սիրել, սքանչանալ...

Ահա ալոպիսի տպաւորութիւն է անում Ալադանի հովիտը: Նրջանիկ են այս երկրի մարդիկ, բաց աւելի ես երջանիկ են նրանք, ուքեր գիտեն օդտւել բնութեան հրաշալիքներով, ով որ գիտէ զգալ այդ բնութեան կախարդիչ գեղեցկութիւնները...

Սղնախից գէպի հիւսիս՝ Ալադանի հովտի վրայով՝ տարածւում են բազմաթիւ գիւղեր, որոնք այդպէս գնալով՝ հասնում են մինչև Խէլաւ և, նորա հետ միասին, կազմում են՝ աշխարհահուշակ և բաղդաւոր Կախէթը: Սղնախի մօտ գտանաող Կախէթի գիւղերը հետեւեալներն են՝ Անագա, Բալգարան, Կոլակ, Կարդանախ, Վէջին, Բակուրցիխէ, Գուրջան, Ախաչէն, Վէլիսցիխէ և ալն: Այդ գիւղերը մեծ մասամբ բնակւած են վրացիներով, իսկ հալերի թիւը բնակիչների հաշիւ  $\frac{1}{10}$  մասը կազմէ: Ամբողջ Կախէթը խաղողի մի մեծ և ընդարձակ ալգի է: Սղնախից դէպի հիւսիս տանող մաքուր և գեղեցիկ խճուղու վրայ զբօսնողը կը հիանալ գիւղերի այդ ներգաշնակ և միացած ամբողջութիւնով: Կարծես մի մեծ և բազմամարդ քաղաք է տարածւած ոտներիդ տակ: Տեղ-տեղ երևում են փոքրիկ եկեղեցիների և վանքերի զմբէթները, շինութիւնների թեք կոտրները, հակա-կական ընկուզենիների զանգրաւոր գլուխները, և, մինեոն ժամանակ, լսւում է մի բարեխառն աղմուկ, մի անվերջանալի, աշխոյժ կենսական աղա-լակ... Այդ գիւղն է, գիւղական կեանքն է իւր բոլոր հովական սլարդու-թիւնով, իւր առօրեայ բոլոր հոգսերով, աշխատանքով ու զբաղմունքնե-րով, Կախէթի այդ գիւղերի մէջ ամենից լաւանի և «արիօտոկրատական» գիւղը՝ Կարդանախն է, որտեղ պատրաստւում է ամենալաւ գինի, որտեղ գտնւում է կոմս Շերեմետեւի կալաձքը՝ հիանալի տնով ու հարուստ, ճոխ, գեղեցիկ ալգիով: Շերեմետեւը ունի իւր կալաձքում գինի պատրաստելու համար մի նորաձև գործարան, որտեղ պատրաստւում են երևելի գինիներ... Բացի Շերեմետեւի գործարանից, այդ գիւղերում կան էլի ուրիշ գործա-րաններ, որ պատկանում են զանազան վրացի իշխանների: Առհասարակ Կախէթի ամենամեծ և աչքի ընկնող արդիւնաբերութիւնը՝ գինին է: Այդ գիւղերում չը կալ մի հասարակ գիւղացի, որ չունենալ իւր (սեպհական, կամ կապալով առած) խաղողի ալգին, որ չը պատրաստէ և չը վաճառէ գինի: Գինին Կախէթի փառքն է, նորա հարստութիւնը և պարծանքն է: Գինու հետ կապւած է ալստեղի ժողովրդի թէ տնտեսական և թէ հոգե-կան կեանքը: Այն, և հոգեկան, որովհետեւ՝ մէկ կողմից գինու չափազանց չափ գործածութիւնը, միւս կողմից էլ բնութեան թովիչ գեղեցկութիւն-

Ները ալատեղի ժողովրդի վրայ դրել են մի առանձին կնիք, մի արտա-  
շատիչ և աչքի ընկնող հոգեկան տրամադրութիւն, որ առասաց լերմոնտով  
բանաստեղծը շատ ճիշդ նկատել է իւր հոտանալորի մէջ.

Посмотри: въ тѣни чинары,

Пѣну сладкихъ винъ

На узорные шальвары

Сонный льетъ грузинъ;

Ի հարկէ ալդ сонный խօսքը միայն վրացոց չի վերաբերում. ալդ միենուն  
լատկութիւնը ունին և հպերը որ ապրում են վրացոց հետ, միենուն տնտե-  
սական, միենուն բնական պայմաններում: Բանը Նրանումն է, որ գինին և  
գեղեցիկ բնութիւնը թուլացնող, ցրւող, «ապակենտրոնացնող» ազդեցու-  
թիւն են անում ալատեղի ժողովրդի վերայ:

Շարունակ ապրելով հարուստ բնութեան մէջ, անդադար վայելելով  
ալդ բնութեան շքեղ, գրաւիչ տեսարանների քաղցր տպաւորութիւնները,  
ալատեղի ժողովուրդը, մի առանձին բնազդամբ հակում է դէպի բաւա-  
կանութիւնները, սկսում է երևակայական աշխարհով ապրել: Տնտեսական  
պայմանների համեմատական թեթեւութիւնը, միւս կողմից, տրամադրում  
է ժողովրդին դէպի անհոգ և ինքնաբաւական կեանք, դէպի զւարճութիւն-  
ները, իսկ զւարճութեան և բաւականութեան ամենամեծ ֆակտորը գինին  
է, քէֆ-ուրախութիւնն է... Պէտք է տեսնել՝ թէ Բնչպիսի եռանդով, ինչ-  
պիսի կատարեալ ինքնամոռացութեամբ քէֆ է անում ալատեղի ժողո-  
վուրդը: Եւ, որ ամենազխաւորն է, ալդ քէֆը, ալդ ուրախութիւնը շատ  
հեշտ է ձեռք բերում ալատեղ. գինին էժան և առատ է, իսկ ոչխարի  
խորովածը Նոնպէս մի հազաւգիւտ բան չէ: Իմ խօսքը քաղաքացու մա-  
սին է, իսկ գիւղացին Նոնպէս, իւր չափով, լետ չի մնում քէֆից, ուրա-  
խութիւնից: Գիւղացու համար քէֆ անելու ամենաթուեղ ժամանակը—եկե-  
ղեցիների օրաների օրերն են: Ալատեղ՝ Կախէթի և, առհասարակ, Սղեախի  
չրջակալքում ապրող՝ թէ վրացի և թէ հայ շինականը ամեն բան դուրս է  
բերում, ամեն ունեցած-չունեցած սկսում է մսխել, վատնել...

Գիւղացիների մէջ, կանալք աւելի տոկուն և աշխատասէր, հոգատար  
են երևում, քան թէ տղամարդիկ: Կանալք ամեն առաւօտ, օրաւ ամեն  
տեսակ եղանակին՝ թէ ամառ և թէ ձմեռ՝ երկար ու զառիւմեր ճանա-  
պարհներով անցնում են մի քանի վերստ, որպէս զի գիւղերից ծախու  
իրեղէններ բերեն Սղեախի շուկան, «տօնավաճառի» համար: Ճիշտ որ  
«տօնավաճառ»: Տեսնում ես՝ կանուխ, առաւօտ մօտ հարիւրից աւել  
գիւղացի կանալք՝ ձեր և երիտասարդ՝ շրջանաձև Նստած են հրապարակի  
վերայ, և Սղեախի հասարակութիւնը, խառնած ալդ բաղմութեան մէջ,  
առուտուր է անում: Ալդ փոքրիկ գիւղական տօնավաճառում կարելի է  
դանել ամեն բան, ինչ որ Կախէթի գեղջկուհին ընդունակ է արտադրել

իւր տնային աշխատանքով ու հոգացողութեամբ, փոքրիկ խելագաներով գինի, զանազան չորացրած և թաց մրգեր, չուչխել, զերացած հաւեր, հնգկահաւեր, ամաններով կաթ, մածուն, երկար-երկար հացեր, որ տեղական լեզուով կոչուում է «շթի», ձեռագործ պատրաստած իրեղէններ—գուլպա, պաճիճ, շերիտներ և այլն և այլն, Տօնավաճառը շարունակուում է մինչև ժամը 10—11 և խնուր՝ ալդ կանանց խմբերը քիչ-քիչ սկսում են ցրել, հեռանալ հրապարակից և, դարձեալ նոյն ճանապարհով, ուղեորւում են դէպի գիւղ. իսկ հետեեալ առաւօտը էլի նոյն բանը, էլի նոյն վաճառող կանանց խումբը նստած է Սղնախի հրապարակի վրայ, Գիւղացի տղամարդոց ես չեմ տեսել ալդպիսի կռանդուն գործունէութեան մէջ... Շատ-շատ՝ վրացի գեղջուկը, սալները լծած՝ գինի է տեղափոխում գիւղերից քաղաք, և ալդ պարապմունքի ժամանակ, անհոգ ինքնաբաւականութեամբ երգւում է ժողովրդական բալետի «հարալոն»...

Ցաւում եմ, որ չեմ կարողացել տեսնել այստեղի գիւղացուն՝ իւր դաշտային պարապմունքի ժամանակ.—վարի, ցանքի, հունձքի և կալի աշխատութեան մէջ: Բայց, որքան ես կարողացել եմ տեղեկանալ՝ ալդ գործը ալնքան էլ մեծ աշխատանք և քրտինք չէ պահանջում Կախէթի գիւղացուց. նախ որ հողի քանակութիւնը ալնքան մեծ չէ, և երկրագործութիւնը գլխաւոր պարապմունք չէ այստեղ, իսկ երկրորդ, որ Ալազանի դաշտը, մշակութեան համար, շատ փափուկ և պարարտ է: Որ երկրագործութիւնը ալնքան մեծ դժարութիւն չէ պատճառում այստեղի գիւղացուն՝—ալդ երևում է մասամբ և այն հանգամանքից, որ եղը, գիւղացու աշխատանքի գլխաւոր ուժը և ապաւէնը՝ չունի այն մեծ և կարևոր նշանակութիւնը, չի վալելում գիւղացու այն հոգսը և խնամքը, ինչպէս ալդ մեք տեսնում ենք իսկական երկրագործ ժողովրդի մէջ, օրինակ, Շիրակի գաւառում: Կախէթի գիւղացու եզները՝ թուլ, ցածրահասակ, վտիտ և անկենդան բաներ են, բոլորովին նմանութիւն չունին Շիրակի գիւղացու հերկուլէս-եղներին...: Հէնց ինքը, այստեղի գիւղացին էլ սաստիկ զանազանւում է Շիրակի գիւղացուց իր գէմքի անտարբեր արտաբայտութիւնով՝ ուռած, կարմիր երեսով, կարճ հասակով և թուլ մարմնով: Շիրակի գիւղացին—մարմնացած աշխատանք և տոկունութիւն է: Նրա ամբողջ ջլոտ և բարակ կերպարանքը, բարձր հասակը, խոնամ, ուշադիր և մշտական հոգսով պատած գէմքը՝ պարզ ցոյց են տալիս, որ կեանքը խաղ ու պար չէ սրա համար, որ գոյութեան կռիւի մէջ՝ սա, մի կռանդուն և բամաւ մրցումով, աշխատում է ապրել, մտածում է ո՛չ միայն ալսօրաւ, այլ և ապագայի մասին...: Երկրագործական աշխատանքի ծանր, խիստ և լուրջ ոգին, Շիրակի բնութեան աղքատ, չոր և անգեղատեսիլ կերպարանքը ստիպել են այստեղի գիւղացուն «խելքը գլուխը հաւաքել», կենտրոնանալ, խոհեմ, մտածող և լուրջ լինել: Այո՛, բնութիւնը այստեղ երես չի տալիս հալ գիւղացուն... Բնչ կալ Շիրակում՝ բացի ցորենից, գարուց և կտաւա-

հատից. ոչինչ, ոչինչ և դարձեալ ոչինչ: Շիրակը, Ներսէսի և Թիֆլիսի նահանգների մէջ մի կատարեալ անապատ է՝ բուսականութեան, պտուղների, բերքերի կողմից: Մանկութեան հասակից խեղճ ժողովրդի տէքը ոչ մի բան չի հրապուրում բնութեան մէջ՝ բացի արեգակի մուտքից և ելքից... կարծես Աստուած խռով է կացել ալդ երկրի գլխին՝ զրկելով ալն բոլոր շուպկութիւններից, ինչով որ առատօրէն վարձատրւած են Լովկասի միւս տեղերը. կարծես՝ խիստ անտառները, պտղատու ծառերը, հարուստ աղիները և պարտէզները Շիրակի համար չեն ստեղծւած աշխարհիս երեսին: Եւ ահա, գտնւելով ալս տեսակ սուղ ֆիզիքական պայմանների մէջ, զրկւած բնութեան ամեն դեղեցկութիւններից և չլացնող, գրաւող պարգևներից, Շիրակի հալ գիւղացին իւր տէքերը դարձնում է դէպի գետին և իւր ոտների տակ գտնում է իւր կեանքի միակ և հաստատուն խաբիսը՝ սև հողը, որ հաստ շերտով փուլած է ալդ երկրի ընդարձակ և լալն գալտերի վրա: Ալդ հողը տալիս է գիւղացուն առատ մարդարտահատիկ ցորեն, ալդ հողը կերակրում է գիւղացու տաւարը հիւթալից և սննդարար խոտով: Բայց որքան աշխատանք է պահանջում գիւղացուց հողը իւր տւած ցորենի և խոտի համար, որքան ֆիզիքական և հոգեկան ռուանդ է կորցնում հալ գիւղացին՝ իւր առօրեալ հացը ճարելու, իւր կովերին ու եզներին կերակրելու համար... Եւ ինչ է Շիրակի հալ գիւղացու ապրուստը՝ հաց, պանիր, իւղ և մածուն—ահա նրա մշտական կերակուրը՝ և ալն էլ ամեն գիւղացի չի վալելում ալդ «բարիքները»: Կան շատ ընտանիքներ, որ ամիսը մի անգամ տաք կերակրի երես չեն տեսնում, որ ամբողջ «մեծ պաւը» լոկ չոր հացով են անցկացնում... միս ուտելը խօ մի կատարեալ սօնախմբութիւն է Շիրակի գիւղացու համար: Եթէ ալս տնտեսական նեղ պայմանների վրալ աւելացնենք միւս կողմից և բնութեան խտութիւնը,— չարունակ 3—4 ամիս տնող ցրտաւուն ձմեռները, երբ գիւղացին, արջի նման, կծկւում, մտնում է իւր անասունների հետ գոմերի անկիւնները, և, բացի տաքանալուց՝ ուրիշ բանի վրալ չի մտածում. եթէ աչքի առաջ ունենանք, որ համարեալ ամեն տարի՝ կամ ցուրտը, կամ կարկուտը և կամ հեղեղը քչից-շատից մնասում են ալստեղի արտերին և գիւղացուն չաճալս պցում են ծալրալեղ լուսահատութեան մէջ,—ալն ժամանակ գուցէ մեզ համար մօտաւորապէս հասկանալի լինի Շիրակի գիւղացու իսկական դրութիւնը, գուցէ մենք կարողանանք երևակայութիւնով ըմբռնել, թէ ինչ «մանր քար է» ալստեղի գիւղացու համար՝ իւր առօրեալ ողորմելի ապրուստը... Բայց նա դարձեալ չի լուսահատւում. դարձեալ նա եռանդով կուռւմ է իրան չրջապատող լուսահատական, նեղ հանգամանքների հետ: Եւ ահա, ալդ մշտական, անընդհատ կուռւն է, որ ալնպէս ամրացրել, պողպատ է դարձրել Շիրակի գիւղացուն. ալդ կուռւն է, որ նրա մէջ զարգացրել է զարմանալի տոկունութեան, դիմացկանութեան ոգին: Աշխատանքը հալ գիւղացու կեանքի ղէկիղն է,—պահեցողութիւնը, զրկանքը,—

Նրա «հաւատոյ հանդանակն» է։ Այս տեղակ խիստ, ասկէական կեանքով է ապրում Շիրակի հայ գիւղացին։

Ի՞նչ համեմատութիւն սորա եւ Կախէթի գիւղացու մէջ. Կախէթի գիւղացին (թէ վրացի, թէ հայ՝ միեմտուն է) երես տւած երեխայի է նմանում, եւ Նրան երես տուող, փափաղող զգող մալըր—բնութիւնն է։ Ես իմ լոգւածի սկզբում, կարողացածիս չափ, Նկարագրեցի Կախէթի բնութիւնը. ալդ Նկարագրութեան մէջ ես մի տեղ ասացի, որ «ամբողջ Կախէթը՝ խաղողի մի մեծ եւ ընդարձակ ալդի է»։ Բայց ալդ միայն Նշանակում է, որ խաղողը «տիրապետող» բոլսն է աշտեղ. բացի խաղողից՝ ալստեղի արեգակի տակ հասնում են՝ թուղ, Նուռ, վաշտ, ընկոզգ, Նուշ, սերգեիլ եւ այլ շատ տեղակ պտուղներ, որոնք ըստ չափով՝ Նոյնպէս նպաստում են գիւղացու կեանքի ապահովութեանը։ Ձը պէտք է մուսնալ եւ ալն, որ Կախէթի կլիման չափազանց մեղմ, դուրեկան, համարեա «դրախտային» է... Թէն փալտը, վառելիքը, շորորիւ անտառների, շատ էժան է ալսանգ, բայց ինչ հարկաւոր է վառելիք ձմրան համար, քանի որ իւր ամբողջ ընթացքում Ալզաանի հովիտը մեկ է ձիան սպիտակ ծածկոցից, ալն ծածկոցից, որը մի արշին հաստութեամբ ընկած է լինում Շիրակի դաշտերի վրայ։ Մինչդեռ խեղճ շիրակեցին, ձմրան սարսափելի ցրտերի ժամանակ, փալար կտոր անգամ չունի եւ, հայ թխելու, տաքանալու համար՝ գործ է դնում իւր տաւարի աղբից պատրաստած ղզւելի աթարը. մինչդեռ ալգ ողորմելին աթարի թանձր ծուխով ու գոմի զարշահոտութիւններով է տաքացնում սառած մարմնի անդամները,—Կախէթի բնակիչը, մեղմ եւ հանդարտ ձմրան ժամանակ՝ երկու քալ է փոխում դէպի անտառ, կտրում է ալստեղից բարակ մացառներ, բարձում է իւր հաւատարիմ էշի վրայ եւ բերում է Սղնախ վաճառելու։ Ալդ գործով նա դբաղւած է բոլոր աշնան եւ ձմրան ընթացքում եւ, դրանից Նոյնպէս, բաւականին արդիւնք ուտանում է։ Կարելի է ասել, որ ալն կողմնակի արդիւնքները կախէթցին միայն «չուպլութեան» համար է մխտում.—ի հարկէ չուպլութիւն իոսքը հասկացած գիւղական մտքով, համեմատած դարձեալ շիրակեցու հետ։ Եւ ճշմարիտ՝ ով է լսել, որ Ալէքսանդրապոլի կողմերի (Շիրակը ալդ է) գիւղացին՝ գիւղից քաղաք եկած ժամանակ, տուն վերադառնալիս, մտնի կանդիտերի խանութը եւ մեր երեխաների համար՝ սլորոժնի, կոնֆեկտներ առնի... Ո՞վ է տեսել, որ խստակեաց եւ հաշւատես շիրակեցին՝ քաղաքի գինեւեմերում ընկերովի քէֆ անէ, զինի խմէ։ Գինի... գինի խմելը Ալէքսանդրապոլի եւ Ղարսի վաճառականների համար էլ մի առանձին արտաքույ կարգի երեւոյթ է, ուր միայն գիւղացու համար, իսկ Կախէթում, գիւղացին պիրոժնի եւ կոնֆեկտներ է առնում երեխաների համար, հովանոց, ձեռնոցներ է ընծալում կնոջը, քէֆ է անում Սղնախի գինեւեմերում եւ փառչերով ու գինի է կոնծում...։

Իմ առաջ բերած մի շարք տնտեսական եւ բնական պայմանների հա-

մեմատութիւնից ընթերցողը հետութեամբ կարող է եզրակացնել, որ կողմասի երկու նշանաւոր գաւառները՝ Կախէթը և Շիրակը՝ կատարեալ հակապատկեր են միմեանց:

Մի կողմ՝ չռալլ, գեղարեւոտական բնութիւն է, մեղմ, կենդանարար կլիմայ, հարուստ բուսականութիւն.—միւս կողմ՝ ամալի և անդեղատեսիլ դաշտեր, խիստ և ճնշող կլիմայ, չոր, անպտուղ, անօգուտ և աղքատ բուսականութիւն: Աղպիսիտարբեր և միմեանց հակառակ բնական պայմանների մէջ ապրող ժողովրդի կեանքն էլ ստացել է ծաղրալեղ հակառակ՝ թէ տնտեսական և թէ հոգեբանական՝ արտապատութիւն:

Կախէթի ժողովուրդը հարուստ է, չռալլ, գարձութիւն և քէֆ սիրող է. ալք հարստութեան, չռալլութեան, զւարճասիրութեան հետեանքն էլ՝ մարդոց բնութեան ընդհանուր թուլութիւնն է, նրանց անհոգ և ուրախ հոգեկան տրամադրութիւնն է:

Շիրակի ժողովուրդը աղքատ է, պարապում է սոսկ երկրագործական աշխատանքով, ալք աշխատանքից նա ստանում է իւր կեանքի սուղ և չքաւոր ապրուստը: Աղքատութիւնը, բնութեան մերկութիւնը և սաստիկ ծանր աշխատանքը կրթել, դաստիարակել են Շիրակի գիւղացուն, տալով նրա բնաւորութեանը՝ խիստ, դիմացկուն, լուրջ արտապատութիւն և մրցելու ընդունակութիւն:

Ալժմ հարց. ում է պատկանում ապագան...—ապագան ուժի կողմն է, աշխատելու ընդունակութեան, տոկուն, ինքնագուսպ և խիստ բնաւորութեան կողմն է: Առաջադիմութիւնը կատարւում է՝ ոչ թէ քէֆով, ուրախութիւնով ու անհոգ տրամադրութիւնով.—առաջադիմութիւնը կատարւում է ծանր աշխատանքով, լուրջ, խելացի և ողջախոհ վարք ու բարքով:

Շիրակի գիւղացին, տանելով իւր ուսերի վերապ կեանքի ամեն տեսակ նեղութիւններ ու զրկանք, անդադար կռւելով բնութեան խիստ ուժերի և պայմանների հետ, անդադար մտածելով իւր կեանքի ապահովութեան, իւր առօրեալ մի կտոր հացի մասին՝—ներկայանում է մեր առաջ, որպէս մի կալուն և անլողդող դօրութիւն, որպէս մի կենդանի գրաւական՝ ապագայ կեանքի, ապագայ առաջադիմութեան: